

續修四庫全書



《續修四庫全書》編纂委員會編

續修四庫全書

上海古籍出版社

一一七二・子部・雜家類

西臺漫紀六卷 〔明〕蘇以化撰

林居漫錄前集六卷別集九卷畸集五卷多集六卷 〔明〕伍袁萃撰

西山日記二卷 〔明〕丁元薦撰

玉堂叢語八卷 〔明〕焦竑撰

湧幢小品三十二卷 〔明〕朱國禎撰

一〇一

二七七

三七五

五七九

西臺漫紀

〔明〕
蔣以化
撰

據明萬曆刻本影印
原書版框高一尺八
毫米寬二尺六毫

西臺漫紀序



夫天下紳珮之士結軫而脩竹素者人、櫛掎捭拾成一家言、哭而非菟冥涉化之枯譚、即夏革齊諧之苛語、不然則綴合叢殘、勦襲遺唾、享敝帚而絨燕石者、也不然則口為雌黃、舌代矛戟、摘瑣脩怨、而必意行其是非者、也是為鑠、而利而何足以關世教、鏡後來乎、萬曆辛丑、余方行河淮上、而同邑侍御、劉庵先生、以董醢共事、其間先生性不嗜飲、每晤則啜茗清譚、迨往道、故所稱

述生平、睹記如列眉、而尤孜孜於道人

善頌人德、蹟其意、若一飯千金、不足

以為報者、一日出所撰西臺漫紀示

余、受而讀之、所紀事、多逆事、會時

習聞者、十之五、而其人、則皆粉榆之

人、余所習見、殆十之九矣、顧事久漸

湮而隱德、懿行、沈奇、栖逸、即余亦

有遺而弗憶、而弗全者、一展卷、而

事境如新、音容如睹、不覺鼓掌歎

曰、嗟乎、此博史也、歟哉、先生為西臺

長例、得簪白筆、與左右紀言、動廼

獨取耳目所睹、記挾道法、以命事辭

而又主於善、先生意蓋以

國史所載如章典文獻宗嗣宮闕學士大夫類能言之熒往、聲聲其聲、顯鴻鉅之事又或相率而阿於所好、至耳目覩記間反有所漸滅不傳而並不能為世儀遠不能為世軌將疇任其咎耶先生為此思是紀所繇出也是紀也先生所親覩則錄縉紳所面授則錄知交之遺行則錄情神之所獨契則錄讀斯紀也不獨博聞廣識足超玄覽而前言往往行庶資興起不亦足以關世教鏡後來乎夫先生

以名執法不從左右史為褒貶而獨秉筆於鄉校於事嫻於詞爾雅鉅麗言實錄異時龍門蘭臺之客有紹明其業者止所事筆削矣斯紀也信惇史也歟哉

海虞顧雲鳳伯翔甫謨

西臺漫記

序

四

西臺漫紀引

余素不嫻於文性喜親書史喜談人長喜不忘人德往欲日聞而日紀之少年半以經生術廢壯而折腰五斗簿書相牽即願為老蠹魚無暇也幸乙未以臺

臣請

告南還復遭內艱里居七載每徜徉山水之暇輒登小樓焚香啜茗間取所藏諸卷晝伊之夜吾惟意所適家人間相嘲曰豈尚為公車計乎何自苦為余笑

答曰公車以得失牽念安能如

今日率意抽架上之編而漫評之殊快乎客有過從者稱說某事某事舉足以新吾聞見客一謝太復茫然矣每操管以紀其際間有得于目所親覩者某某得于縉紳先生所面示者某某及素所交往而有遺行遺澤可傳者某某皆以登諸尺幅而存之固不能無所聞見輒吐胸中之奇如古之作者亦不敢輕信其撫飾不根之語如近世之浮而誕者然

則首以冠我

聖祖龍興之略無乃褻而無當乎曰是不然竊見世人往遠稽旁搜於稗官小說及歌詞野史而於昭代典章忽焉不討夫不知通今何取博古矧我

西臺漫紀

刊

三

聖祖掃腥羶而冠裳之功德侔商周漢唐而奈何經生學士不熟識之也追思二百餘年所休息而安養者誰遺之哉向嫌紀載之煩偶稍掇其要而輯之語實錄用冠諸首乃亦稱爲漫

者竊媿草茅下吏敢操管以紀當代之盛是亦漫也夫是亦漫也夫

兩淮直指吳人養庵蔣以化序



西臺漫紀

刊

四

西臺漫紀序

嘗論正氣磅礴浩然流形在地為河岳在天為日星在羽毛為麟鳳在山川為璧金在筆則名擅董狐在史則紫著麟經蓋吾人一氣為根氣惟正則久久則大大則充塞兩間無所屈撓無所蓋藏無所粉黛赤心白意質任天成面目完乎本來溷沌仍于未鑿發之政事則揭日月以行播之辭章則披肝膽而出不矜邃古草昧之奇不誇鉅飭佶曲之響不作塵飯塗羹之戲

不襲泥龍木雞之喻勿傳溢美之言不博過憎之論不造雌黃之舌不逞劒戟之唇凡此皆正氣流行鴻洞今古而樞紐天地者也廷相謬任廣陵屬在

直指蔣公宇下濡染道化久矣嘗

西臺漫紀 序

三

伏誦公西臺一集而益知公之正氣凜然如秋藹熒如春上薄飄輪下徹湫盤殆未可尋常測識也其立說非侈口卷領之前以觸山煉石射日斲鼈眩人於影響之鄉也又非掇拾前儒之唾以剿美機雲

乞靈屈宋塗人於玄黃之陌也又
非假步譏刺之場以捏目生花翻
手為雲開人於蠻觸之鬪也大都
取今時之近事因大老之傳聞或
咫尺而耳受或目擊而躬逢凡一
切弗關理性弗係綱常弗切日用
弗可傳信將來軌儀人世者率置
而不道非不能道也正氣所在則
浮誕之根絕而幻妄之言路併絕
耳故冠以龍興其令人有戴皇天
而履后土之想乎勸忠貞也次以
名宦諸賢其令人有追先覺而繼

西臺漫紀

序

三

藻修之意乎表芳躅也次以善人
文學孝廉隱棲其令人葆真繕行
抱岩居奇節之思乎崇實踐也次
以烈女賢母孤雛義僕其令人修
帷簿恤伶仃而動二心之愧乎礪
頑鈍也又次以先塋祠贈夢想悲
愉山田園社其令人崇先返本委
虛任運對時撫景之懷乎所以敦
人紀而導天和也終以木石犬卵
之怪鳥硯扇數之繁其令人玄覽
達觀不起駭怖俾神竒臭腐還歸
于一之義乎所以載有為之相而

西臺漫紀

序

四

鎮無名之樸也中間種之色之洋纒
數萬言風雨雷霆縱橫毫楮斧鉞
袞冕往來筆端竊計公之泰宇丹
臺五鑿三關四萬八千竅牖一皆
正氣圓滿布護故能吐辭為經諸
所紀述無不可以證真常而偕大
道光簡冊而照鼎彝是集也公近
以為西臺而相直奉為東海之大
觀也公謙以為漫紀而相敬歎為
史外傳心之要典也即繼響於狐
之筆麟之經又何讓焉相不肖殊
慚不斐且繪日月者難為光模湖

西臺漫紀

序

五

海者難為容聊以詹々之言用附
炎々之末云耳至于丹青神化鼓
吹休明則斯紀也且見為金匱石
室之藏矣奚翅江淮戶誦也歟哉
知揚州府事屬下金谿張廷
相撰

西臺漫紀

六

西臺漫紀

目錄

卷之一

紀龍興略

卷之二

紀馬封官

紀孫立亭

紀梁萬二公

紀某縉紳事

西臺漫紀 目錄

紀沈星吳

紀曹御史上

紀趙少宰

紀王大臣

卷之三

紀顧愛翁

紀黃封翁

紀章錢二大夫

紀韋文學

紀卓令

紀藩臬四大夫

紀虞山先生南昌事

紀范屏麓

紀石東泉

紀曹御史下

紀李卓吾

紀錢封翁

紀李善人

紀鄒廣文

紀歸太學

紀嚴孝廉

紀郁文叔

紀徐孝子

卷之四

紀余心純

紀葛賢事

紀回生事

紀陳節母

紀吳賢母

紀朱孤子

紀朱孤子

卷之五

紀贈典

紀感一

紀錢崇

紀日涉園

紀史籍

紀積書

紀丈量

紀范孝廉

紀袁孝廉

紀周隱君

紀魯文川

紀楊張姻事

紀萬烈女

紀張孝女

紀內助

紀胡義僕

紀先塋

紀先祠

紀感二

紀夢

紀菟園

紀晉帖

紀登狼山

紀春雪

紀敗園

紀陳社

紀五悲

紀家督

卷之六

紀怪穴

紀怪木

紀異犬

紀怪卵

紀怪石

紀怪虫

紀山西大同鼎生樹

紀壽

紀鬼

紀鳥

紀研

紀扇

西臺漫紀

目錄

三

紀數

西臺漫紀目錄終

西臺漫紀卷之一

槍榆子海虞蔣以化仲學甫纂

紀龍興略

我

聖祖御諱元章原籍句容丹徙泗州三徙鍾離之東鄉四徙太平之孤莊於

仁祖為季子生有異光年十七遭歲饑疫父母

三兄俱亡蕭然一身鮮生計奉母遺命捨身皇

覺寺已而遊合肥歷光固汝潁間三年許間開

西臺漫紀

卷之一

十

備嘗正潛龍初晦時也已而投郭子興贅郭繼女為配始有所藉不為有瘵在下矣子興據濠州起義旅戰伐多藉

聖祖之力時則徐壽輝方國珍亦僭據為亂張

士誠與其弟士德士信起兵于草堰場先陷高

郵次揚州次平江次杭州僭稱城王我

聖祖不能俛首于郭初獲故鄉兵七百餘人并

獲驢牌寨壯士三千人又襲老張壯兵三萬餘

人先得徐達耿再成耿炳文等於鳳陽次得李

善長于定遠又次得趙德勝胡大海于滁陽再得常遇春鄧愈等手和陽相與謀議舉大事時雖尚屬郭氏大為郭二子所忌

聖祖懼禍切身與二子同行忽仰天若有告者郭二子驚而忌稍解及郭子興死而我

聖祖遂提其兵以抗元兵以禦諸雄而勢已勃勃矣方渡江乏舟師而俞通海張瑄俱以水兵接濟方懼小港難達而天雨兼旬川谷流溢得魚貫以出是真有天助者由是拔采石據太

西臺漫紀

卷之一

二

平陶安李習並謁軍門與參大事隨而誅楚先擒兆先陳楚先擊福壽將元金陵如破竹各叛臣悍將如康茂才等率眾來降得軍民五十餘萬而兵勢益振矣初入金陵再入京口禁不妄殺一人不妄擄一物每以軍法戒諭而遠近加額稱慶宜陶安謂李習曰此真主出也諸將乃奉我

祖為吳國公而選用諸將士有差我師再克常州誅士誠弟張九六即士德初徐達提大兵敗士

誠軍於龍潭我

聖祖復益兵三萬助之士誠之陷諸郡多九六之力乃遣九六兵以數萬來援我

聖祖知九六狡而善鬪非計取之不可乃以鐵騎為奇兵伏而擒之初欲留九六以誘致士誠九六間遣書士誠俾降元以謀我遂誅之而士誠之力小屈矣乃不得已而以書求和願歲輸金粟若干而我

西臺漫紀

卷之一

三

聖祖以書責其負約拘使不允其和向圍常州益分兵攻破之生擒其將張德而士誠之氣小阻矣我師既克常州因克建寧泰興等縣南則江陰常熟績溪徽州等所至悉披靡下之士誠不得已姑請降于蒙古以為太尉實欲借空名以抗我師也時有沔陽漁人子陳友諒初為縣尉不樂徐壽輝用為將忿同事倪文俊驕橫襲殺之并其軍稱平章以抗我師是時我師方克揚州先是揚有青軍張瑄部黨張鑑者驍勇專事剽掠逐鎮南王出城據之兇暴日甚屠城

中居民以為食殺掠殆盡按籍一城止存十八家得我師入而安戢之自此克建德克浦江蘭谿宜興婺州諸暨無為潛山等州縣所向無敵時方國珍見我師號令嚴明乃率其子為質我聖祖遣還其子而國珍稍帖息是時友諒方破信州見我師克潛山遂疑部將趙得勝有所通執而殺之我師方收集人心而彼且自剪其爪牙識者已知其為略不遠矣我師克衢處之後得劉基于青田得章溢于龍泉得葉琛于麗水

西臺漫紀

卷之一

四

得宋瀛于婺州一時得人之盛已非吳漢等竊據一方日事聲色燕樂狗馬宮室為者時友諒幽其主徐壽輝隨弑于采石僭稱王母稱帝意甚驕橫乃率舟師攻太平花雲許瑗不屈而死太平甫陷友諒益驕潛遣人約士誠欲合擊建康我

聖祖神筭謂二賊合之勢必難支乃於其未合時密令康茂才誘之使戰友諒墮我彀中馮國勝常遇春以伏兵合擊之俘其眾二萬人降其

驍將若干人友諒僅以身免我師既取安慶復太平又克信州克浮梁大破友諒于江州友諒乃挈妻子走武昌獲其糧數十萬斬黃興沔間望風來降如左丞胡廷瑞驍將長張梁鉉等皆弃友諒來降而我師勢如建瓴矣時雖劉震等忽順忽叛將英襲殺胡大海而朱文忠旋定之李祐之乘我無備猝弑大將耿再成而邵榮等即討平之祝宗康泰反覆無常攻陷洪都而徐達等隨擊破之蓋雖一時叛服靡定終不能逃

西臺漫紀

卷之一

五

聖祖之睿筭也時友諒陷吉安寇洪都即南作大艦置馬棚載其家屬空國來戰以示必勝且其兵各戴竹盾如其以禦矢石我師如總管李繼先元帥牛海龍趙國旺許珪朱潛萬戶程國勝等皆戰死帝乃自將救洪都合徐達常遇春俞通海兵為援友諒聞大軍至即解圍東出鄱陽湖以迎我師兩軍遇于康郎山徐達擊破其前軍俞通海乘大風發火焚舟二十餘殺溺無算友諒驍將張定邊奮前欲犯帝舟帝舟適膠

淺我軍計無所出牙將韓成撻然服上冠袍對敵自投水中敵信而攻少緩議者謂成之一死也雄于百萬甲兵矣過春又從旁射中張定邊而通海師亦至帝舟乃脫遂鳴角大集諸將無不人人願死力戰至曉東北風起用韋舟乘風縱火燒殺無數燔烟障天湖水盡赤友諒弟友仁友貴及其平章陳普略等皆死于烈焰中明日又追擊友諒敵兵莫支奔旗鼓器仗浮散湖面友諒乃為之奪氣帝大喜曰今日之捷諸公

西臺漫紀

卷之一

六

力也友諒左右二金吾各率所部來降一日失此二將而友諒益為喪魄諸將又大發兵邀其歸路友諒住湖中日久食盡不得已而突出湖口帝麾諸將夾擊之張鐵冠大笑賀帝曰友諒死矣果中流矢貫睛及顱而斃擒其太子善兒諸將咸率眾來降洪都遂平時太尉張定邊猶乘夜以小艇竊載友諒屍及其子理徑走武昌立理為帝帝復率常遇春等討陳理于武昌且諭之曰彼蓋孤豚處牢中久當自服乃擒潑張

名必先士誠率而陳理遂請降帝見理幼弱挈以助友諒者其手曰吾不爾罪勿懼也命宦者入其宮慰諭友諒父母凡府庫儲蓄今悉取之封理為歸德侯一時附友諒者相繼就降而江廣平矣甲辰正月我

聖祖建國號曰吳徐達李善長屢表勸上

尊號不允請者不已乃即吳王位置中書省官屬有差猶諄諄以定名分明號令為務而一時諸將無不聳服克陳之後帝心稍寧而所不能

西臺漫紀

卷之一

七

釋然者河北有李羅帖木兒河南有擴廓帖木兒關中有李思齊張良弼類皆不足以芥蒂帝心而一時難以卒制者江南之張士誠也士誠雖稱元太尉而僭稱吳王立官屬治宮室不惟輕視胡元而且控制我師乃其弟士信偪逐蒙古江浙丞相去職而脇取其符信自稱為丞相克殘已甚我師平章湯和先提兵擊士信敗之由此克辰州克衡州克贛州兵聲大振士誠又遣李伯昇寇我諸全蓋挾我敗將謝再興以為